

Headline	Jangan benar Anwar jadi Perdana Menteri	Language	Malay
Date	05 Jul 2010	Page No	N4
MediaTitle	Sinar Harian	Article Size	162 cm²
Section	Nasional	Color	Full Color
Journalist	N/A	ADValue	891
Frequency	Daily	PRValue	2,673
Circ / Read	60,000 /		



Jangan benar Anwar jadi Perdana Menteri

BAYAN LEPAS – UMNO tidak akan menghalang sesiapa yang berminat untuk menyertai parti itu kerana segala usaha yang dijalankan bersama adalah untuk kebaikan rakyat majmuk negara ini.

Ahli Dewan Undangan Negeri (ADUN) Bagan Pinang, Tan Sri Mohd Isa Abdul Samad berkata, keseluruhan jentera perlu meningkatkan kualiti kerja agar mampu menakluki Pulau Pinang kembali setelah hampir tiga tahun menjadi pembangkang.

“Usaha yang dijalankan secara berterusan ini adalah untuk memastikan Penasihat Parti Keadilan Rakyat (PKR), Datuk Seri Anwar Ibrahim tidak akan menakluki negara dengan memegang jawatan Perdana Menteri.

“Keseluruhan ahli perlu bersatu padu dan melipatgandakan usaha kerana kita sebenarnya bernaung di bawah sebuah parti yang kuat, namun masing – masing masih kurang



● Mohd Isa (dua,kanan) ketika menghadiri Mesyuarat Perwakilan UMNO Bahagian Balik Pulau 2010 yang diadakan di Kompleks Tabung Haji, semalam.

pandai untuk menguruskan kekuatannya,” katanya kepada pemberita selepas merasmikan Mesyuarat Perwakilan UMNO Bahagian Balik Pulau 2010 yang diadakan di Kompleks Tabung Haji di sini, semalam.

Beliau berkata, kredibiliti Anwar semakin tergugat apabila beliau terlibat di dalam kes liwat melibatkan

bekas pembantu khususnya, Mohd Saiful Bukhari Azlan.

“Wajahnya umpama watak utama filem Panca Delima di mana siang beliau menjadi ular, malam pula menjadi manusia,” katanya yang turut menasihati agar seluruh ahli berusaha gigih untuk meneruskan perjuangan demi kesejahteraan negara.